

華陽縣志卷四十

典籍全類續增

維茲蜀縣夙富簡編廣韻成卷政典著篇諫垣草
在東觀書傳犀揮墨客語錄歸田集稱木雁譜號
錦箋至寶丹貴記事珠圓英才迭起著作彌全牙
籤玉軸學者山淵作典籍志

雍熙廣韻一百卷

宋勾中正撰太宗命詳定篇韻又命與著作郎
吳鉉大理寺丞楊文舉同撰定雍熙廣韻中正

華陽縣志卷四十

典籍

一

先以門類上進面賜緋魚俄加太常博士廣韻
成凡一百卷特拜虞衡員外郎宋史本傳
續增

東觀集十卷

宋羅處約撰宋史本傳
續增

宋朝蒙求二卷

宋端明學士范鎮撰文獻通考
續增

國史對韻十二卷

宋范鎮撰吳仲庶嘗稱景仁憫諸後學雖涉書
傳而問以今代典故則懵然不知乃取太祖

基迄於仁宗朝撫取事實可為規矩鑒戒者

韻編次之即此書也

文獻通考續增

東齋筆記十卷

四庫全書簡明目錄作東齋記事六卷

宋范鎮撰元豐中序言既謝事日於東齋燕坐

追憶在朝時交遊言語與夫俚俗傳記因纂記

成一篇崇觀間以其及國朝故事禁之

文獻通考續增

原本久佚今從永樂大典錄出蓋鎮致仕家居

時作故所記多蜀事時新法方行故所述多祖

宗美政有魚藻之意惟其中間涉語怪不免稗

華陽縣志

卷四十

典籍

二

官之習文獻通考列小說家殆以是焉

簡明目錄續增

范蜀公奏議二卷

宋范鎮撰景仁舉進士為禮部第一仁宗朝知

諫院後言王安石新法不便乞致仕歸穎昌元

祐初詔召不赴封蜀郡公年八十一諡文忠

文獻

通考續增

范蜀公集一百二十卷

宋范鎮撰汪玉山序按蜀公墓誌云文集一百

卷諫垣集十卷內制集二十卷外制集十卷正

書三卷樂書三卷公成都人也應辰守成都凡三年求公文集雖搜訪殆徧來者不一而竟無全書蓋公之沒距今八十年矣竊憶歲久則雖此不全之書亦或未易得也於是以意類次爲六十二卷曰樂議曰使北錄不見於墓誌亦恐其初文集中未必載也而樂議或出於世俗所哀輯今皆存之又以諫書內制外制正書樂書附之通爲一百十二卷正書所得止一卷今分爲二司馬溫公論正書其間有云舜無焚廩浚

華陽縣志

卷四十

典籍

三

壬辰補刊

通考○
續增

樂議

使北錄

卷目俱未詳

宋范鎮撰

文獻通考○續增

樂書三卷

文獻通考作一卷宋史藝文志鄭樵通志俱作新定樂法一卷

國朝事始一卷

諫垣集十卷

內制集三十卷

文獻通考十卷

外制集十卷鄭樵通志作五卷

刀筆八卷

宋范鎮撰蘇軾范景仁墓誌銘○續增

正書文獻通考作三卷蘇軾墓誌銘作正言三卷

宋范鎮撰蜀公正書志傳不載莫詳其篇目王氏困學紀聞采其一條云舜之五刑流也官也教也贖也賊也流宥五刑者舜制五流以宥三苗之剽劫荆宮大辟也胡氏皇王大紀本之而以墨劓荆宮大辟為賊刑之科目可謂精確之

華陽縣志

卷四十

典籍

四

壬辰補刊

論經義考續增

詩傳補注二十卷

宋范百祿撰哲宗獎諭詔曰勅百祿省所上表撰成詩傳補注二十卷夫六義之文蓋溫柔敦厚之教四家之說有訓故傳箋之殊雖同出於先儒或有非其本義是使後學各務名家卿博識洽聞畱心經術詩論之外尤深於詩鑑商周之盛衰攷毛鄭之得失補注其畧紬次成書真得作者之微頗助學官之闕奏篇來上講解甚

明研味之餘嘉嘆無已經義考
○續增

王應麟曰元祐四年六月吏部侍郎范百祿進

補注二十卷詔付秘館同上
○續增

范子功集五十卷宋史藝文志作榮國集卷目同

宋范百祿撰字子功鎮之姪也終於中書侍郎

文獻通考
○續增

家人卦解義一篇

宋范祖禹撰進劄子曰臣近以權住經筵久不

進講陛下今月一日已御邇英又先降聖旨過

華陽縣志

卷四十

典籍

五

端午未住講讀此見陛下好學之至也而臣自
五日以後北郊奉祀未獲入侍伏觀中宮初建
將行嘉禮實為正始之道王化之基恭惟本朝
祖宗家法自三代以還蓋未之有由漢以下皆
不及也今陛下納后以承天地以奉祖宗內盡
孝養外美風化將以為萬世法愚竊為陛下重
之謹按周易家人之卦乃聖人所以定天下之
端本臣輒不自揆敢撰進所聞先聖先賢之言
為解義一篇謹錄上進以代奉事伏望聖慈少

賜省覽

經義考
○續增

古文尚書說一卷

宋范祖禹撰真德秀曰自唐元宗御注孝經出

世不復知有古文先正司馬公作為指解太史

范公復為之說於是學者始得見此經義

同上
○續增

楊士奇曰宋元祐中秘書著作郎兼侍讀范祖

禹淳夫經筵所進刊板在成都

同上
○續增

無逸說命解三卷

宋史藝文志作無逸講義
一卷無逸說命解二卷

宋范祖禹吳安時司馬康等撰元祐中侍講筵

華陽縣志

卷四十

典籍

六

說書崇正殿日所進講說也

文獻通考
○續增

詩解一卷

宋范祖禹撰

宋史藝文志又見
經義考○續增

范醇夫論語說十卷

宋范祖禹撰元祐中所進數稱引劉敞程頤之

說

文獻通考
○續增

古文孝經說一卷

宋范祖禹撰晁公武曰元祐中侍經筵時上

文獻

通考
○續增

祖禹進呈序曰古文孝經二十二章與肖書論語同出於孔氏壁中歷世諸儒疑眩莫能明故不列於學宮今文十八章自唐明皇爲之注遂行於世二者雖大同而小異然得其真者古文也臣今竊以古爲據而申之以訓說雖不足以明先王之道庶幾有萬一之補焉臣謹上

經義考○

續增

中庸論一卷

宋范祖禹撰凡五篇載集中

同上○續增

五臣解孟子十四卷

宋范祖禹孔武仲吳安詩豐稷呂希哲五人撰

元祐中同在經筵所進講義貫穿史籍雖文辭

微涉豐縟然觀者誠知勸講自有體也

文獻通考○續增

范祖禹進劄子曰臣等準入內供奉官徐湜傳

宣奉旨令講官編修孟子節解一十四卷進臣

司馬康吳安詩范祖禹趙彥若范百祿

經義考○續增

唐鑑十二卷

文獻通考作二十卷簡明目錄作二十四卷

宋范祖禹撰祖禹嘗撰帝學八卷仁皇政典六

卷唐鑑十二卷深明三百年治亂學者尊之目

為唐鑑公

宋史本傳
續增

醇夫為溫公通鑑局編修官十五年分掌唐史以其所自得著成此書取武后臨朝二十一年繫之中宗其言曰此春秋公在乾侯之義也雖得罪於君子有所不辭觀此則知醇夫之從公決非苟同者凡三百六篇元祐初上此書文獻通考原本十二卷呂祖謙註之乃卷析為二其書摘唐事標題繫以論斷敷陳愷切於法戒中多所

華陽縣志

卷四十

典籍

八

壬辰補刊

申明

簡明目錄
續增

帝學八卷

宋范祖禹撰元祐初祖禹在經筵所進皆纂輯自古帝王及宋代祖宗典學事跡亦間附論斷由伏羲至唐僅二卷由宋太祖至神宗乃至六卷蓋縷陳家法以勸繼述之意也簡明目錄
續增

范太史集五十卷

簡明目錄作
五十五卷

宋范祖禹撰朱子謂醇夫文字純粹下一箇字便是合當下一箇字東坡所以服他又云四六

語佳莫如范醇夫文獻通考續增

世有二本一本十八卷為明程敏政摘抄此本乃原帙也祖禹平生論奏不下數十萬言宋史謂其開陳治道區別邪正平易明白洞見底蘊採入本傳者十五六篇然集中所載大抵湛深經術練達時務不但本傳所採也簡明目録續增

仁皇政典六卷宋史藝文志同

宋范祖禹撰元祐八年經筵所上凡三百七十七條大畧亦用寶訓體文獻通考續增

華陽縣志 卷四十 九

范氏家祭禮一卷

宋范祖禹撰文獻通考續增

神宗實錄考異二百卷宋史藝文志作五卷

宋范冲等撰進建炎初有詔重修紹興六年先進呈五十卷六年正月書成考異者備朱墨黃三書而明著其去取之意也闕百六十一至七十一卷初蔡卞既敗舊錄每一卷成納之禁中蓋將泯其跡而使新錄獨行所謂朱墨本者不得而見也及梁師成用事自謂蘓氏遺體頗

招延元祐諸家子孫若范温秦湛之流師成在
禁中見其書爲諸家人道之諸人幸其書之出
因曰此不可不錄也師成如其言及敗沒入有
得其書者攜以渡江遂傳於世嗚呼此可謂非
天乎

文獻通考
○續增

范太史遺事一卷

宋史藝
文志同

宋翰林學士范冲記其父事

文獻通考
○續增

范祖禹家傳八卷

宋范冲撰

宋史藝文
志○續增

華陽縣志

卷四十

典籍

十

宰相拜罷錄二十四卷

宋史藝
文志同

宋范冲等撰起建隆元年止紹興六年宰相自

范質至張浚執政自趙普至折彥質名旣除授

年月訓詞亦畧序在位本末於後

文獻通考
○續增

重修哲宗實錄一百五十卷

宋范冲等撰紹興四年三月壬子太上皇帝顧
謂宰臣朱勝非等曰神宗哲宗兩朝史錄事多
失實非所以傳後世當重別修定著唐鑑范祖
禹有子名冲者有召命可促來令兼史臣勝非

奏曰神宗史錄添入王安石目錄哲宗史經蔡京蔡卞之手議論多不公今蒙聖諭命官刪定以昭彰二帝盛美天下幸甚十八日丙申新除宗正少卿兼直史館范冲辭免恩命勝非奏曰冲謂史館專修神宗哲宗史錄而其父祖禹元祐間任諫官後坐章疏議論責死嶺表而神宗實錄又經祖禹之手今既重修則凡京卞之意及其增添者不無刪改儻使冲預其事恐其黨未能厭服上曰以私意增添不知當否勝非曰

皆非公論上曰然則刪之何害紛紛浮議不足卹也勝非曰范冲不得不以此爲辭今聖斷不私冲亦安敢有請

文獻通考續增

潛溪詩眼一卷

宋范温撰温祖禹之子學詩於黃庭堅

文獻通考續增

兩朝國史一百二十卷

宋王珪等撰仁宗英宗兩朝國史也元豐五年六月奏御監修王珪史官蒲宗孟李清臣王存趙彥若曾肇賜銀絹有差蘓頌黃履林希蔡卞

劉奉世以他職罷去吳尤宋敏求前死皆有錫
賚紀五卷志四十五卷比之實錄事跡頗多但
非寇準而是丁謂託之神宗詔旨

文獻通考
○續增

六朝國朝要會三百卷

鄭樵通志同

宋王珪撰神宗朝以會要止於慶曆命王珪續
之起於建隆之元迄於熙寧十年通舊書增減
成是書總一十一類八百五十八門其間禮樂
政令之大綱儀物事為之細目有關討論顧無
不載文簡事詳一代之典籍備矣

文獻通考
○續增

華陽縣志

卷四十

典籍

三

華陽集一百卷

簡明目錄作六十卷附錄十卷

宋王珪撰其先成都人故號華陽後居開封少
好學日誦千言及長博通羣書廷試第二入翰
林典內外制十八年集中多大典冊詔令其詩
號為至寶丹以其好為富貴語也

文獻通考鄭樵通志同

原本久佚今從永樂大典錄出其附錄軼事雜
說十卷則今所續加也珪不出國門坐致卿相
無壯遊勝覽拓其心胸亦無羈恨哀吟形於筆
墨故其文多臺閣之體其詩善言富貴當時謂

之至寶丹然論其詞華則固二宋之亞也簡明目錄

三家宮詞三卷

宋王珪等撰唐王建蜀花蕊夫人宋朝丞相王

珪三人所著也文獻通考續增

三家者一唐王建一蜀花蕊夫人費氏一宋王

珪也建為宮詞之祖花蕊夫人身列宮闈王珪

官居禁祕故述所親見有異於影響傳聞簡明目錄

五家宮詞五卷

宋王仲修等撰石晉宰相和凝本朝學士宋白

華陽縣志 卷四十 典籍 三

中大夫張公庠直秘閣周彥質及王仲修共五

人仲修當時珪之子文獻通考續增

隱書三卷

史論二十篇

學古詩五十篇

宋梁鼎撰宏簡錄又見舊通志續增

木雁居士集

宋鄭少微撰舊通志續增

鄭少微策六卷

宋鄭少微撰宋史藝文志○續增

墨客揮犀十卷

宋彭乘撰皆記宋代軼事及詩話文評大旨皆推重蘓黃中有數條與冷齋夜話一字不異又有數條但錄舊史原文而無所論斷或原本殘缺後人有所竄亂歟簡明目錄○續增

按文獻通考墨客揮犀十卷續十卷未詳名氏

易義卷目未詳

宋李昉撰宋史張詠傳初蜀士知向學而不樂

華陽縣志

卷四十

典籍

十四

仕宦詠察郡人張及李昉張達者皆有學行爲鄉里所稱遂勉敦就舉而三人者遂登科士由

是知勸經義考○續增

孔子弟子傳贊六十卷宋史藝文志同

宋李昉撰四川總志李昉字渭父華陽人淳化

中登第嘗著孔子弟子傳贊六十卷經義考○續增

李昉集十卷

宋李昉撰宋史藝文志○續增

谷子詩文全集卷目未詳

宋李旼撰 舊通志
○續增

張詠語錄三卷

宋李旼撰張忠定公詠守蜀有善政其門

旼紀其語論可以垂世者 文獻通考
○續增

歸田錄十卷 又名該聞錄書
錄題解作十卷

宋李旼撰蜀人張詠客也與范鎮友善熙寧

致仕歸與門人賓客燕談忘倦門人請編錄

又有雜詩十二篇係於後 文獻通考
○續增

歲華紀麗譜一卷

華陽縣志 卷四十

典籍

十五

王辰補

箋紙譜一卷

蜀錦譜一卷

元費著撰記蜀中節候風俗自元旦至冬至

一臚載蓋仿荆楚歲時記之體而於兵燹之

追思繁盛實有東京夢華之思末附箋紙蜀

二物皆蜀中所擅故併述之 簡明目錄
○續增

蜀名畫記一卷

氏族譜一卷

器物譜一卷

錢幣譜一卷

楮幣譜一卷

元費著撰

全蜀藝文志 ○續增

翼經隨筆

詩文全集

卷目俱未詳

明李元齡撰

舊通志 ○續增

蜀國春秋

卷目未詳

明苟廷詔撰苟氏蜀國春秋予幼時見川中列

本經亂先人遺書盡失不能記其卷目體例

華陽縣志

卷四十

典籍

十六

壬辰補

苟氏名廷詔字宣子華陽人崇正十六年進士

經義考 ○續增

臆說雜俎集解

卷目未詳

明劉美撰

舊通志 ○續增

記事珠十卷

明楊鉉撰

舊通志 ○續增

華陽山人詩集

明陳愛撰

舊通志 ○續增

忠愛堂集

卷目未詳

明徐禔撰

舊通志
○續增

半野居士集十六卷

國朝毛振翽撰予自束髮受書攻舉子業初不知詩

也年弱冠領戊子鄉薦得與計偕北上歷秦晉

燕趙諸名區覺山水幽勝逼人勃勃有風騷意

間從驢背推敲旅館吟哦得詩如十卷

自序
○續增

薑園草一卷

蛩吟草一卷

復榮草一卷

華陽縣志

卷四十

典籍

七

國朝岳鍾琪撰公於軍旅之間輒寄嘯於筆墨邊塞

諸作多慷慨悲歌之氣而退居林下寄情花鳥

又復神似放翁石湖諸君

全蜀詩滙
評○續增

味竹軒稿二卷

國朝顧汝修撰密齋詩峭拔如峩眉插青漢決利如

灑灑下危檣極雲詭波譎壯麗之觀而一歸於

雅正安和殆駸駸乎學者之吐辭而匪僅才人

之漫語

儲麟趾序
○續增

知困齋草一卷

國朝顧汝修撰先生詩不多作亦不自收拾門下
士爲之編錄若干卷皆得益州江山之助而遇
忠孝節烈鴻文偉績一一註其顛末曲折攄寫
其人其事呼之欲出卽懷人詠物吐屬皆有真
味以視刻瑯藻繪徒眩一時耳目者儻然遠矣

周長發序
○續增

蘊真集一卷

國朝顧汝修撰其間風流俊發襟韻蕭疎不以榮枯
累心不以進退爲念至乃訪路叟之疾苦憫中

華陽縣志

卷四十

典籍

六

澤之饑勞憂蝗旱之爲厲嗟河伯之不仁觸目
興感未嘗不三致意焉此足以觀密齋之所存

矣邵齊燾序
○續增

鈞引編一卷

經史編一卷

童鏡編一卷

談助編一卷

國朝顧汝修撰續增

四勿箴一卷

國朝顧汝修撰密齋先生四勿箴精純奧衍一字不可刊落蓋於顏子地位非禮分際勘得精微融貫足以闡抉數百年來未宣之蘊而補正公言下所未逮者

儲麟趾跋
○續增

朗山吟一卷

國朝顧汝修撰朗山吟者吾師密齋先生省墓綏陽而作也其間紀述時事鐫篆碑詞與夫都人士父老輩往來遊贈及諸風土人情山水險仄無不寓之於詩讀其詞孝思藹然忠蹟流芳一派

華陽縣志

卷四十

典籍

充

壬辰補刊

溫厚和平之音沁入心脾

潘元音跋
○續增

載英集四卷

國朝顧汝修撰密齋先生主講錦江書院選刊肄業諸生應課詩文雜著爲一編自序云取左太冲

世載其英之意

續增

遲雲樓尺牘一卷

國朝顧汝修撰王芥子觀察與顧密齋廷尉往復書各一通其間叙風雨之離合則可泣可歌陳砥礪之緒言則如箴如訓蓋始於言情終於論道

將使博雅通人駭其詞源欲流三峽篤行君子

欽其肝膽可照千秋儲麟趾跋

錦江書院學約一卷

國朝敬華南撰續增

十三樓稿一卷

國朝余嶧桐撰雲溪居士余子驤工於詩其尊人嶧

桐以詩名予選入蜀雅後晤雲溪出耕烟集讀

之清麗芊綿率又過其父殆所謂能以詩世其

冢者耶李雨村詩話

華陽縣志

卷四十

典籍

三

玉辰補刊

耕烟集一卷

國朝余驤撰續增

紅梨詩集二十四卷

國朝李光緒撰續增

孟子文批二卷

國朝潘元音撰潘東庵潛心六經而於孟子尤喜其

義理湛深文辭淵茂為唐宋八家所自出寢食

其中歷有年所自陽山歸田後檢舊日所批點

文法一一抄錄頁端句疏節解如剝蕉葉如抽

繭絲勒爲成書義蘊必求其至精神吻必求其
曲肖多前賢所未發者

張邦伸序
○續增

東庵文集八卷

國朝潘元音撰東庵長於古文駸駸乎入唐宋八家
之閩奧而於韓蘓爲尤近

姜錫嘏序
○續增

東庵詩集八卷

國朝潘元音撰集中近體古體皆從老杜得來而各
見新意吾鄉詩人自董樗齋王樓山彭樂齋諸
前輩外惟君獨拔一幟可謂獨角麟不同尋

華陽縣志

卷四十

典籍

三

細響

張邦伸跋
○續增

雙石堂稿八卷

續編二卷

國朝潘元音撰潘子希聲與余遊有年英姿颯爽心
雄萬夫下筆千言立就二十年而其學大成良
集所爲古文詩歌及時文各百餘首問序於予
予取而讀之大都灑氣流轉理境澄澈出入經
史百子自成一家不屑道人隻字酷似歸黃一
派門徑余曰子不藉是以傳也而是固已行矣

顧汝修序

○續增

宦遊紀程四卷

國朝潘元音撰此先生由都至粵而作也與會所寄口不輟吟手不輟書而忠愛廉能之意時流露於行間至其叙事雅用筆潔則於放翁入蜀記

石湖吳船錄彷彿遇之

趙均跋
○續增

情話軒叢話四卷

國朝潘元音撰

續增

復軒詩文彙編二卷

國朝鄧士品撰復軒予同年友又同官劍州一日出

華陽縣志

卷四十

典籍

三

所作見示文近歐蘓詩宗范陸山城冷署讀之令人有怡然自得之趣殆深於養者耶

李苞序
○續增

高夫人集四卷

國朝閩秀高氏撰威信公岳鍾琪室

浣花濯錦
集○續增

瀛洲草一卷

國朝閩秀李瀛洲撰府尹顧汝修繼室

續增

松竹齋集一卷

國朝閩秀敬筠卿撰太史敬華南仲女僂貢趙遵素

室

浣花濯錦
集○續增

附錄流寓著作
悉列於此

大慈寺記二卷鄭樵通志
作三卷

宋滄州李之純撰宋史藝文志
○續增

易書論語說卷目
未詳

宋仁壽虞剛簡撰魏了翁作墓誌曰剛簡築室

成都之合江以成雍公卜居未遂之志曰滄江

書院沉潛六經於易尤為精詣以周程朱子遺

言與邵子堯夫書漢上朱氏之學貴融會隨

文申義閱十有六年書成

華陽縣志 卷四十

典

之奧必約諸躬行日用之

有所據依以遷善遠過又有論語解詩說未及

編次經義考
○續增

剛簡仁壽人字子韶雍公之孫弟兄八人皆好

學而剛簡最知名屢舉進士官利州路提刑有

治績嘗與魏了翁范仲黻李心傳講學蜀東門

外得程朱微旨著易書論語說以發明其義蜀

人師之嘉定中屢詔不赴舊通志
○續增

白鶴堂詩文集四卷

國朝丹稜彭端淑撰

續增

松亭詩文集四卷

國朝內江姜錫嘏撰

續增

闡幽錄一卷

國朝遂寧張懋中撰有客自蜀來張子聖傳以其所

著闡幽錄一編寄予乞序予閱其中所叙蜀宮

殉難諸人甚悉辯訛傳信表百數十年沉淪未

著之幽光其有功於名教者豈鮮也哉

沈德潛序○續增

潛溪書院志略四卷

華陽縣志

卷四十

典籍

三

國朝江陵朱雲煥撰凡有關於祠中人物之紀興廢

之由自本傳而外而文而詩而銘而像贊而祭

章而文集序並誄宋承奉者亦附刊焉

龔巽序○續增

龍門草十六卷

國朝江陵朱雲煥撰朱霞堂自少壯時情纏典素修

不息版年七十有三猶日課袁峻之五十紙守

學彌惇取精多則用物宏故其藻艷之發炳然

蔚然鬱為詩歌雲蒸而錦燦矣

李元序○續增

浣花濯錦集八卷

補遺一卷

國朝江陵朱雲煥撰蜀中閨秀自古艷稱惜斷玉零
香無人收拾同年朱霞堂薈萃成編遂使蠹粉
燼芸與須麋爭席浣花溪上宛轉花魂濯錦江
邊縈洄錦字得母有泣月而盈盈欲墮臨風而
珊珊來遲者耶李元序
○續增

星槎詩文集八卷

國朝邑令德慶徐念高撰續增

樸園詩集四卷

國朝邑令鄒縣董淳撰續增

華陽縣志

卷四十

典籍

三五

壬辰補刊

鳧陽山館僅存草一卷

國朝鄒縣董大椿撰莊附董君鄒嶧高門海岱清士
覃思下仲舒之帷知名入威輦之社益部趨庭
蜀都隨宦尋錦江之煙水攀巫峽之風雲望古
雷嘆感今雨泣含宮咀徵銷玉和鳴情往興來
葩華蒨布縱橫文陣翕張鷲鸛之軍噴薄文瀾
呼吸魚龍之氣飛清才於甸外摘壯思於區中
使能假以年齡未易測其涯量也楊芳燦序
○續增

遊蜀雜記四卷

國朝德慶溫瑞柏撰續增

參麝林詩集四卷

國朝德慶溫瑞柏撰粵東詩萃於德慶一州而州中

詩復萃於溫氏一門如莊亭溫承恭及其從兄

瑞柏瑞桃周翰皆是也李雨村詩話○續增

小瑯環集一卷

國朝遂寧張問安撰續增

周易指南四卷

國朝江西蕭正寅撰續增

華陽縣志

卷四十

典籍

三

壬辰補刊

薛洪度詩一卷

唐女校書長安薛濤撰字洪度西川樂妓工為

詩當時人多與酬贈武元衡奏校書郎太和中

卒李肇云樂妓而工詩者濤亦文妖也文獻通考○續增

號薛校書世傳奏授恐無是理殆一時州鎮褒

借為戲如今世白帖借補之類耶濤得年最長

至近八十文獻通考○續增

濤本長安良家女隨父宦流落蜀中遂入樂籍

辨慧工詩有林下風致韋臯鎮蜀召令侍酒賦

詩稱爲女校書出入幕府歷事十一鎮皆以詩
受知暮年屏居浣花溪著女冠服好製松花小
箋時號薛濤箋有洪度集一卷全唐詩評
○續增

太極賦一卷

省體編一卷

陰符發秘一卷

國朝羽士長洲張清夜撰續增

潭東草一卷

國朝羽士長洲張清夜撰道人吾蘓名諸生少爲令

華陽縣志

卷四十

典籍

三

至長補詞

叔匠門先生所稱許好詩歌屢困棘闈遂泛沅
湘陟峩睂脫然有悟一旦棄儒服易黃冠葺武
侯祠居之讀其詩冲和澹遠求所謂悲愁抑塞
者渺乎無有其窮而聞道者歟陶善圻序
○續增

散淡集三卷

國朝釋斐然撰續增